



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

7. Christi leprosum tactu sanantis potentia.

urn:nbn:de:hbz:466:1-45701

referendæ, vt quæ tam diuturno decem annorum morbo fuerit liberata. Nam hæc diuturnitas ipſa miraculi magnitudinem declarat; ſicut cū Lazarus quatrīduanus fuit ſuſcītatus; & altera illa mulier, quæ ſpiritum infirmitatis annos duo deūiginti habuit; ac Paralyticus, qui triginta octo annos in infirmitate perdurauit, ſanitate recuperata, præſtantiam medici, morbos tam inueteratos, & ab alijs desperatos ſanantis demonſtrauit.

VII.

Lepra quàm tenax ſit, experiuntur, quos ea tenet; quàm altas radices in corpore humano agat, ſciunt medici, nōrunt magiſtratus, qui leproſos ex urbibus excludunt, ne, cū ipſi ſanari non poſſint, alios quoque contaminent. Teſtantur variæ hiftoriæ, quanti ſint ſumptus fruſtra facti, in lepræ curationem. Sufficit Naaman Syrus, manu ſtrenuus, clarus militia, dignitate illuſtris, & diuitijs plenus, vno verbo, *vir magnus apud dominum ſuum, & honoratus, vir fortis & diues, ſed leproſus*. Hic vtique nihil omiſit eorum, quæ ad ſanitatem exigebantur. Nullus tamen Æſculapius inuentus eſt, qui eum curare poſſet, præter Eliſeum, cuius vel hinc ſanctitas enituit, quia eum prodigioſè ſanauit. Talium prodigiorum ocaſio fuerunt etiam leproſi à Chriſto ſanati, nec iam ad Iordanis balneum miſſi, ſed vel vnicō verbo ſanati. Quod eum poſſe vel ipſi ſanandi crediderant. *Ecce leproſus veniens, adorabat eum dicens: Domine, ſi vis, potes me mundare*. Non dixit, ſi Patrem oraueris; ſed, ſi vis; ſignificans æqualem ipſum cum Patre habere poteſtatem, vt S. Chryſoſtomus obſeruauit. *Et extendens Ieſus manum tetigit eum, dicens, Volo, Mundare. Et confeſſim mundata eſt lepra eius*. Naaman ſepties in Iordane debuit lauari: hunc Chriſtus tetigit, & ſanauit. Quo loco Cyrillus Alexandrinus docet, idcirco Dominum contactu carnis ſuæ aliquos ægrotos curare voluiſſe, vt oſtenderet etiam carnem ſuam, ob conjunctionem cum diuinitate vim ſalutiferam & viuificam habere. Diuinitatem certè Chriſti veteres Scriptores ex hoc loco probauerunt, quia, vt Iuſtinus, Tertullianus, & Athanaſius ſcribunt, quaſi propria, non aliena vſus poteſtate volendo imperandoque hunc leproſum curauit. Immo diuinitatem & humanitatem ſimul probauit Cyrillus & Ambroſius, cuius hæc verba ſunt: *Volo ergo, dicit, propter Photinum; imperat, propter Arium; tangit propter Manichæum.* Quod

4 Reg. 5. 1.

Matth. 8. 2.

S. Chryſoſt.
hom. 26.Iuſtin in expoſit. Fidei;
Tertullian.
lib. 4. contr.
Marcion.
Athanaſ. in
lib. de com-
muni eſſent.
P. & F. & Sp.
Sanct.